



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

2. Fides.

Nutzungsbedingungen

urn:nbn:de:hbz:466:1-55242

meo tam insatiabile virtutis desiderium, ut
ejus assequendæ gratiâ, nulli labori parcam,
obstacula cuncta perrumpam, & media de-
nique nulla prætermittam.

Aspirationes.

I. In quacunque die inuocavero Te, exau-
di me; multiplicabis in anima mea viriutem.
Psal. 137. 3.

II. Bonitatem, & disciplinam, & scien-
tiam doce me; ut in nobis vitia ac volupta-
res disciplina castiges. S. Aug. L. 50. Ho-
mil. 3.

III. Lumen æternum, doce me, virtu-
tum naturam intelligere; earum pretium
& valorem æstimare, earumque bonitatem
toto corde desiderare.

P A S S U S II.

Fides.

T E X T U S.

*Sine fide impossibile est placere
DEO: credere enim oportet
accedentem ad Deum, quia
est, & quia Remunerator
bonorum est. Hebr. c. 11. 6.*

Cogni-

Cognitio.

Fides est donum DEI ac lumen, quo illustratus homo, firmiter assentitur omnibus, quæ Deus revelavit, & nobis per Ecclesiam credenda proposuit, sive scripta illa sint, sive non sint. *Catech. Canis.* Motivum fidei, ob quod credimus, est autoritas Dei revelantis, qui falli nequit, quia est summa Sapientia; & nequit fallere, quia est summa & prima Veritas. Duplex autem est fides; alia est viva, quæ per charitatem operatur: alia mortua, quæ charitate & bonis operibus est destituta.

Actus Fidei, in Examine Particulari exercendi sunt:

1. Corde firmiter credere.
2. Ore fidem confiteri.
3. Opere eandem confirmare.
4. Pro viribus fidem spargere ac dilatare.
5. Eandem contra hæreticos, aliósque fidei hostes fortiter propugnare.
6. Denique pro fide, si gratia illa contingat, sanguinem proprium fundere.

Consideratio motivorum credititatis.

Valde fidem roborat, atque in tentatiōnibus contra fidem, animum confirmat consideratio motivorum, quæ fidem nostram

stram Romanam, Catholicam, reddunt evidenter credibilem , & nulli alteri sectæ conveniunt. Qualia sunt: 1. Vaticinia Prophetarum. 2. Testimonia Martyrum. 3. Copia miraculorum. 4. Puritas doctrinæ catholicæ. 5. Concordia ejus mirabilis cum ratione. 6. Omnium fidei mysteriorum summa consensio. 7. Mundi conversio. 8. Admiranda fidei, per Apostolos rudes, pauperculos , & inermes , propagatio. 9. Vis fidei in mutandis animis conversorum. 10. Sanctitas , & sapientia Doctorum fidei. 11. Vita illibata fidem recipientium , ejusque præceptis se se accommodantium. 12. Stabilitas Ecclesiæ inter tot perseciones. 13. Oppugnantium clades. 14. Librorum sacrorum antiquitas. His ritè consideratis, an non meritò cum Hugone de S. Victore dicemus: *Domine, si error est, à Te decepisti sumus: nam ista in nobis, tantu signis & prodigiis confirmata sunt, & ratibus, quae non nisi per Te fieri possunt.* Sent. i. de Trin. c. 2.

Petitio.

Domine JESU Christe, veræ fidei Author & Consummator, qui me præ tot milliobus, in infidelitate, & hæresi æternū pereuntibus, ad Ecclesiæ Catholicæ gremium , fidemque orthodoxam vocare digna-

gnatus es ; concede propius ; ut corde credam ad justitiam ; ore autem confitear ad salutem ; ac opere fidem confirmem, defendam ac dilatam , & sanguinem pro eadem profundam , ad tuam majorem gloriam. Amen.

Aspirationes.

I. Domine, adauge nobis fidem. Lucæ c.
17. Credo Domine, adjuva incredulitatem
meam. Marc. 9.

II. Fac Domine, virtus salutis meæ ; ne
sim de numero eorum , qui ad tempus cre-
dunt , & in tempore tentationis recedunt.
S. Aug. med. c. 2.

III. Credo, quidquid dixit Dei Filius:
nil hoc verbo veritatis verius.

PASSUS III.

Spes.

TEXTUS.

Firmissimum solatium habemus,
qui configimus ad tenendam
propositam spem, quam sicut
anchoram habemus animæ